

اقتصادیات

جمہوری

اعداد برلی

بر دفعہ اولیٰ ہر سطر ایچون :

پکری غروش

سنہ ۱۰ اعلان ایچون

آبرمجہ آکلاشلیر

۱۰ تشرین ثانی ۳۳۲

اشترا برلی

عہدانی مملکتلری ایچون :

ییلانی بر پوچوق لیرا

اجنبی مملکتلری ایچون :

ییلانی ۳۳ مارق - ۲۴ قرائق

دانہ سی ۳ غروش

ییل ۱ صانی ۳۴

علمی و عملی ہر نوع اقتصادی مسئلہ لردن بحث ایدر و ہر پر شنبہ کونی چیقار .

ادارہ خانہ : استانبول ، سلطان حامی - معقولیان خانہ

تورکیادہ بانقلہر

تکین آلپ

صوک کونلردہ بومی رفیقہریز اتحاد و ترقی قونغرہ سندہ
تأسیسی تقرر ایدن ملی بانقہ مسئلہ سی موضوع بحث ایدرک بو
مفید تشبیک یقیندہ قومدن فعلہ جقارہ جغفی تبشیر ایشلردر .
بوگامقابل اوروپا مطبوعاتی بوصوک کونلردہ آلمانیا و آستریا -
مجارستاندہ مملکتہ مزیدہ یکی مؤسسات مالیہ نک تأسیسی مسئلہ سنہ
دائرہ یک مهم خبرلر ویریور و شایان نظر اشریائیدہ بولونیورلر .
آلمان و آستریا - مجارستان عزتہ لرنده کوریلن خبرلرہ کورہ
متفق مملکتلرک الک مهم مؤسسات مالیہ سی تورکیادہ امور
و تشبکات اقتصادیہ متفقاً چالشمق اوزرہ کوتلی برقونسورتیوم
تشکیل ایشلردر . شمعی یہ قدر الک زیادہ مصر و سائر شرق
شعبہ لرینہ اہمیت ویروب تورکیادہ کی شعبہ لرہ ایکنجی درجہ دہ
اہمیت ویرمش اولان دویجہ اوربان بانق یک تشبکاتہ تشبث
ایدرک تورکیا ایشلرنده ممتاز بر موقع اشغال ایتک ایچون
شدیدن لازمکن حاضر لقلری اجرا ایدیور . مذکور بانقہ نک
مؤسسہ لرندن اولان آ . شافہ اوزن بانقہ درین ، اسہامی دویجہ
بانق ایلہ اوسترایجیہ قرہ دیت آنشتالت ، واونفاریشہ آلمانیہ
قرہ دیت بانق نام بانقلرہ دور وحوالہ ایشلدر . بو صورتہ
اوتہ دہیری تورکیا ایشلرنده الک زیادہ علاقہ دار بولان و بو
خصوصہ اختصاص پیدا ایش اولان بیوک بانقلر دویجہ
اوربان بانق ، ک اطرافندہ طویلانش بولنیور .

بولنردن دویجہ بانق بغداد شمدن و فرینک الک مهم سرمایہ داری
اولدینی کی دیون عمومیہ و سائرہ دہ یک زیادہ علاقہ داردر .
قرہ دیت آنشتالت رژی و دیون عمومیہ دہ آستریا - مجارستان
حصہ دارلرینک وکیلدر . مجار قرہ دیت بانقہ سی شہر یزدہ غانس
الکتریک شرکتی و سائر مؤسساتیہ علاقہ داردر . دویجہ
اوربان بانق اطرافندہ طویلانش اولان قونسورتیومدن ماہدا
آستریا - مجارستان بانقلرینہ منحصر اولق اوزرہ ایکنجی
برقونسورتیوم دہا وجودہ کلشدر . بو قونسورتیوم قرہ دیت

آنشتالت ، بانقہ درین ، اونفاریشہ قرہ دیت بانق ، پشتر
اونفاریشہ قومرسیال بانق ، نام مؤسسہ لردن متشککدر . بو
ایکی قونسورتیوم یکدیگرینہ قارشی اجرای رقابتہ میدان
ویرمہ مک مقصدیلہ بینلرنده خصوصی بر ائتلاف عقد ایدرک
تورکیاہ عائد اولان ایشلردہ متحداً و متفقاً ایش کورمک
اوزرہ آکلاشملرلدر . قونسورتیوم آبرمجہ روحیلہ بانقہ سی
ایلہ آکلاشورق بویوک مؤسسہ نک دخی معاونت و مظاهر
مالیہ سی تحت تأمینہ ایشلدر .

شوراسی دہ محققدرکہ مذکور قونسورتیومہ داخل اولمان
دیگر آلمان و آستریا - مجارستان بانقلری دخی بوتوتلی قونسور -
تیومک رقابتہ قارشی مقاومت ایدہ بیلمک اوزرہ بینلرنده ایکنجی
برقونسورتیوم دہا وجودہ کثیرہ جکلدر . بو صورتہ مملکتہ مزیدہ
ایستری مالی و تجاری ، ایستری صناعی و اقتصادی اولسون وجودہ
کلاچک اولان بالجلہ تشبثلر ہب قونسورتیوملرک التدن
کجہ جکلدر .

بز اول و آخر بیان ایتدیکنز وجہلہ مملکتہ اجنبی
سرمایہ نک آقوب کلینی حرارتلہ تنی ایلرز . زدن اقتصاداً
قات قات ایلریدہ بولان مملکتلریلہ ہر وقت اجنبی سرمایہ یہ
قارشی استغنا کویسترمک شویلہ طورسون اونک جلی ایچون ہر
نوع تسہیلات ابراز ایشلر والان ایتکدہ بولیورلر . بزم اجنبی
سرمایہ یہ قارشی یالکیز بر تمیز واردر . اودہ معدن ، طوبراق
ایشلتمک ، فابریقہ تأسیس ایتک کی استحصالات ملیہ نک تربیدینہ
مدار اولان تشبثلردہ قولانیلمسندن عبارتدر . یوقسہ شمعی یہ
قدر مملکتہ مزیدہ پرلشمش اولان بعض بانقلرلہ بایدقلری وجہلہ
یالکیز معاملات صرافہ و تجارتیہ حصہ اشغال ایدرلرسہ اولنردن
ایدہ جکمز استفادہ یک محدود قایلرہ معاملات صرافہ ، ادخالات
و اخراجات کی ایشلر ایچون اجنبی سرمایہ لرہ ، اجنبی مظاهرلرہ
اوندر محتاج دکلز . اجنبی بانقلرلہ بوجی معاملات اہال ایتہ مکملہ
برابر الک زیادہ مملکتک زراعی و صناعی استحصالاتی اوتیرہ جق
تشبثلرلہ اشغال ایدرلرسہ حساب ملیہ یی رنجیدہ ایتک شویلہ

دورسون مملکتک منت وشکر اذارینه بیه کسب استحقاق
ایش اولورلر .

اجنبی باقهلرک قونسورتیوم شکنده عرض اندام ایتمی
مل اقتصادیمز ایچون نافع ویا مضر اولوب اولدیغنی بوراده
تدقیق ایدمک دکلر . بوده جف القلم حل ایدیلر مسئلهلردن
دکلدر . بوکا دایر محاکمه یورومتک ایچون اوزون ودرین تدقیقاته
احتیاج واردلر . مسئلهک له ویاغلیهنده اعمال فکره سوق ایدن
جهتلر حقدنه قطعی بر محاکمه یورومتهدن اول قونسورتیومک
آمال ومقاصدینی ، دها طوغریسی طرز مساعیسی تمامیه میدانه
جقارمق لازم کلیر . هر حالده حسیانه تبعاً شمدیدن ملی نقطه
نظرندن بومسئله حقدنه وضیعت آلق نابوسم ونابمصلدر .

شوقدرکه بومسئله ده نظر اعتباره آله جق مهم برمسئله
واردلر . اوده ملی تشکیلات مسئله مؤبده سیدر ایشته
کوریسورزکه مملکتیمزله منابع اقتصادیسی استناره کله حک
اولان اجنبی سرمایه دارلرله اجنبی متشبثلر مکمل تشکیلات ایله
مجهز اولورق اثبات وجود ایدمک دکلدر . بوتشکیلاتدن مقصد
بالطبع متشبث سرمایه دارلرله اعظمی استفاده یی تأمین ایتکدن
باشقا برشی دکلدر . بوتشکیلاتدن دولایسیله مستفید اوله جق
اولان ملی اقتصادیمز ایچون اعظمی استفاده یی تأمین ایتک
اولرله ترتب ایدن بر وظیفه دکلدر . دوغروندن دوغری به
مملکتک وملکک منافع مخصوصه سی دوشومتک انحق بزم وجیه
ذمتیزدر . بوخصوصه وظیفه میز لایقوله ایضا ایدمک بیلیمک
ایچون ملی اقتصاد اربانک دخی مکمل تشکیلات ایله مجهز
بولنملری ایجاب ایدر . اجنبی قونسورتیوملر ، اجنبی باقهلر
مملکتیمز مساعی اقتصادیهنده تعقیب ایدلمی لازمکن سیستهمی
زیر وزیر ایتملری وبویوزدن اقتصادی بحرانلر وجوده کلمی
بعیدالاحتمال دکلدر . بوکی محاذیر ومهالکک اوکی انحق ملی
تشکیلات سایه سنده آله بیلیر . مساعی اقتصادیهنده سیستهم
وحتی دورملر تعیین وتعقیب اولنمسی لزومی کرک عثمانلی وکرک
اجنبی ارباب اختصاصی طرفندن مجموعه هنده مکرراً اوانه
واثبات اولنمشدر . اجنبی قونسورتیوملرک سیستهم ودورملر
اساسلرینه رعایت ایدمک چکرلی امید ایدرسک فضلهر صافدر و نلک
کوسترمتش اولورلر . صرف بزه تعلق ایدن منافی یته کندیمز
کوزه تملی یز . اجنبی باقهلردن بودرجه دیگر کاملک بکلمک
عشدر .

تشکیلات مسئله سندن ماعدا منابع اقتصادیک ملی سرمایه
ایله استناری مسئله سی دخی حد ذاتنده شایان نظر وتأمل
برمسئله دره ملی سرمایه میز بوتون ایشلری یایق ایچون کفایت
ایتمزه هیچ اولمزسه کوچک بر قسمتی اولسون درعهده

ایده میز ؟ اجنبی سرمایه کله حک دیه بز لایقید قالیر ،
مملکتیمزده کی بوتون ایشلری بشقهلرله ترک وحواله ایدرسک
هیچ بروقت باش قالدیرمیز . ملی سرمایه لری چوملکلرده ،
ویا خود اجنبی باقهلرله غیر مشمر برصورتده معطل قاله جفته
اولری استحصالات ملیه نک اوتهمسه مدار اوله بیه حک ایشلرده
قوللانیرسه ق مملکتیمز ثروت طبعیه سنک هیچ اولمزسه
برقسمندن اولسون دوغروندن دوغری به مستفید اولورلر .
بوکون قسم اعظمی اعتباریه معطل برحاله بولنان ملی سرمایه لرک
بوصورتله مشمر برحاله کتیرمک ایچون تشکیلات مخصوصه به
اشد احتیاج واردلر .

ایشته ملی باقهنک تأسیسی تشکیلات خصوصنده آیلان
ایلک خطوه در . شمدی به قدر آرتیرمه باره لری چوملکلرده
ویا خود اجنبی باقهلرله بولندیرانلر ملی باقهلر ، ملی تشبثلرک عدم
موجودینی وسیله اتخاذایده رک کندیلری معذور کوستر بیلیرلری .
آرتق بوندن صکره بوکی غریب حاللرک دوام وبقاسنه اصلا
احتمال ویریلهمیز . چونکه علاقه دارانک نه مادی ونده معنوی
منافعیه قابل توفیق واثلاف اولهمیز . مملکتیمزده حکومتک
وبوتون ملتک معاویله وجوده کله حک ومعاملاتنده کرک
حکومتک وکرک افراد ملتک مظاهرنه مظهر اوله جق اولان
برمؤسسه مایله شه مسرکه اجنبی برمؤسسه مایله دن قات قات
زیاده منفعت تأمین ایدمک بیلیر . ملی مؤسسه نک تمتاعتندن
اک زیاده مستفید اوله جق اولان یته حصه داراندر . کوچوک
بویوک سرمایه دارانمز یالکیز مادی دوشوندکلری فرض ایتسه ک
بیه بوسیددن دولای ملی باقهنک اسهامنه فوق العاده بررغب
کوستر بیلرک قبول وتسلیم ایتک لازمکلر . حالوکه بوخصوصه
مضوی جهت دخی پک آشکاردر . اونوته ملی که اقتصاد عالنده
معنوی ودهادوغریسی فردم عائد اولموبوده دوغروندن دوغری به
جمیته عائد اولان خصوصات دخی نوعاً مادی برماهی حائردر .
ملی اقتصادک عمومی صورتده اوغرا دینی ضرورلر عکس تأثیرینی
پک چابک افراده دخی حسن ایتدیرر . تشکیلاتیمز لقی نتیجه سنده
خزائن طبعیه هنردن ملی اقتصادیمز محروم قالیرسه افراد ملت
هیچ بر وقت رفاه حاله مظهر اوله منلر . بناء علیه آرتیرمه باره لری
ملی باقهنه ، ویاباقهلرله تودیع ایدن سرمایه داران دوغروندن
دوغری به فرداً مستفید اولدقلری کبی جمیعتک افرا دندن اولمق
اعتباریه ده دولایسیله بهره مند استفاده اولورلر .

بوعتبارله ده که سرمایه سی شمدیلک درت ملیون ایرادن عبارت
اوله جق اولان ملی باقهنه اسهامنک اهالیمز نرذنده فوق العاده بر
رغبته مظهر اوله جقنی شه مسر عد ایلرلر .